

# GERAI CENDERAMATA UTHM JADI TUMPUAN

KOSMO 4/9/07

TUMPUAN. Para pengunjung ke Pesta Konvokesyen Ke-6 Universiti Tun Hussein Onn Malaysia (UTHM) di sini tidak melepaskan peluang untuk memiliki barangan cenderamata eksklusif universiti tersebut.

Tinjauan KOSMO! di gerai jualan barangan itu semalam mendapati, orang ramai sibuk memilih barangan seperti beg, pen, topi, penanda buku dan juga baju-T yang mempunyai logo UTHM.

Salah seorang penjual, Siti Fatimah Zahrah Mohd. Ma'som, 21, berkata, sejak dibuka dari pukul 10 pagi, gerainya sentiasa mendapat perhatian daripada pengunjung pesta konvokesyen serta tidak ketinggalan daripada pelajar UTHM sendiri.

"Murah saja barangan yang dijual di sini dan orang ramai boleh memilih barangan dari harga serendah RM1 hingga RM25.

"Malah, kami turut menawarkan beberapa barangan dengan pakej tawaran harga yang menarik," katanya.



SITI FATIMAH (kanan) melayan pelanggan yang berkunjung ke kedai cenderamata pada pesta Konvokesyen UTHM Ke-6 di Batu Pahat semalam.